

SCRIPTA

Numéro Scripta : 4380

Auteur(s) : Alexandre III [pape]

Bénéficiaire(s) : Poilley, Notre-Dame de Montmorel (abbaye)

Genre d'acte : bulle

Authenticité : non suspect

Datation : ...1160, 29 mai...

Lieu d'émission : Latran

Action juridique : confirmation

Langue du texte : latin

Analyse

Le pape Alexandre (III) confirme les biens des frères de l'église Notre-Dame de Montmorel.

Tableau de la tradition

Éditions principales

a. Dubosc François, *Cartulaire de la Manche*, abbaye de la Luzerne, abbaye de Mont-Morel, prieuré de la Perrine, Saint-Lô, Jacqueline fils (Archives départementales de la Manche), 1878, Mont-Morel, n° V, p. 3-4.

Texte établi d'après a

Alexander episcopus servus servorum Dei dilectis filiis (sic) priori et fratribus ecclesie Sancte Marie de Monte Morelli salutem et apostolicam benedictionem. Justis petentium desideriis dignum est nos facilem prebere consensum, et vota que a rationis tramite non discordant effectu prosequente complere. Eapropter, dilecti in Domino filii, vestris justis postulationibus grato concurrentes assensu, subscriptas ecclesias et possessiones, sicut eas rationabiliter et pacifice possidetis, vobis et ecclesie vestre auctoritate apostolica confirmamus et presentis scripti patrocinio communimus : ecclesiam videlicet de Presseio, ecclesiam de Poilleio, ecclesiam de Duxeio cum capella et aliis pertinentiis suis ; heremitagium quod est in Ardena cum nemore ; ecclesiam de Gilebervilla, ecclesiam de Curcellis, ecclesiam de Beneio, ecclesiam de Linteglois in Cornubia ; ecclesiam Sancti Albini de Terra Vasta, ecclesiam Sancti Laurentii. Decernimus ergo ut nulli omnino hominum liceat hanc paginam nostre confirmationis infringere vel ei ausu temerario contraire. Si quis autem hoc attemptare presumpserit indignationem omnipotentis Dei et beatorum Petri et Pauli apostolorum ejus se noverit incursurum. Datum Laterani IIII kalendas junii.